

**ACTA DA SESIÓN CONSTITUTIVA DA CORPORACIÓN MUNICIPAL DE SANXENXO
RESULTANTE DAS ELECCIÓNS LOCAIS CELEBRADAS O DÍA 24 DE MAIO DE
2.015.**

No salón de sesións da casa do Concello de Sanxenxo, sendo as doce horas do día **trece de xuño de dous mil quince** e para dar cumprimento ao disposto polos artigos 195 e 196 da Lei Orgánica 5/1985, do 19 de xuño, de Réxime Electoral Xeral e artigos 36 e 37 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, do 28 de novembro, referentes á constitución das Corporacións locais e á elección de Alcalde/sa, reúnense os Sres/as. concelleiros/as electos/as nas eleccións locais celebradas o día 24 de maio de 2.015 e que, segundo a **Acta de Proclamación da Xunta Electoral de Zona de Cambados de 02 de xuño de 2.015**, son os seguintes:

Polo “PARTIDO POPULAR”:

- **Telmo Martín González**
- **Juan Antonio Deza Otero**
- **María Paz Lago Martínez**
- **Rafael Domínguez Piñeiro**
- **María Deza Martínez**
- **Marcos Guisasola Padín**
- **Silvia Freire Fernández**
- **Alfonso Rea Pérez**

Por “SANXENXO PODE”:

- **Roberto Carlos Agís Balboa**

Polo “BLOQUE NACIONALISTA GALEGO”:

- **David Otero Domínguez**
- **Sandra Fernández Agraso**
- **Maximino González Miniño**

Polo “PARTIDO DOS SOCIALISTAS DE GALICIA-PARTIDO SOCIALISTA OBRERO ESPAÑOL”:

- **María del Coral González-Haba Pérez**

Por “SANXENXO AGRUPACIÓN LIBERAL”:

- **Gonzalo Gonzalo Pita**
- **Vanesa Rodríguez Búa**
- **José Daniel Fernández Piñeiro**
- **Jesus Joaquín Sueiro Méndez**

Asiste o Secretario Xeral do concello D.Ángel Luís López Pita, que dá fe do acto.

1º) FORMACIÓN DA MESA DE IDADE.

En primeiro lugar procédese á formación da Mesa de Idade que está integrada por **D. Alfonso Rea Pérez**, concelleiro electo de maior idade, que pasa a presidila, e **Dª Vanesa Rodríguez Búa**, por ser a de menor idade, todo elo en cumprimento do artigo 195.2, da Lei do Réxime Electoral Xeral.--

2º) COMPROBACIÓN DE CREDENCIAIS.

Faise constar polo Secretario Xeral deste concello que, de conformidade co sinalado no artigo 195.3, da Lei do Réxime Electoral Xeral, a Mesa de Idade comprobará si as credenciais presentadas por cada un dos concelleiros/as electos/as coinciden coa relación que figura na acta de proclamación lida anteriormente.-----

3º) PRESENTACIÓN DE DECLARACIÓN DE INTERESES E CAUSAS DE POSIBLE INCOMPATIBILIDADE E ACTIVIDADES.

Faise constar polo Secretario Xeral deste concello que todos os concelleiros/as electos/as presentaron as declaracións de intereses e causas de posible incompatibilidade e actividades, así como de bens patrimoniais.-----

4º) TOMA DE POSESIÓN DOS SRES/AS. CONCELLEIROS/AS.

Para dar cumprimento ao artigo 108.8 da Lei do Réxime Electoral Xeral que literalmente dí: *"No momento de tomar posesión e para adquiri-la plena condición dos seus cargos, os candidatos electos deben xurar ou prometer acatamento á Constitución, así como cumprimenta-los demais requisitos previstos nas leis ou regulamentos respectivos"* e visto o artigo 1 do Real Decreto 707/1979, do 5 de abril, polo que se establece a fórmula de xuramento ou promesa en cargos e funcións públicas, todos os concelleiros/as electos/as, agás os membros da Mesa de Idade que o fixeron no momento da constitución daquela, previa acreditación da súa personalidade ante a Mesa de Idade mediante a presentación da credencial de concelleiro/a electo/a expedida pola Xunta Electoral de Zona de Cambados, procederon, na orde que consta na certificación achegada pola Xunta Electoral, a tomar posesión do cargo de concelleiro/a do Concello de Sanxenxo utilizando a fórmula transcrita.

Seguidamente o Presidente indica que a Mesa de Idade declara constituída a Corporación municipal de Sanxenxo resultante das eleccións locais celebradas o 24 de maio de 2015.

Polo Secretario Xeral deste concello faise constar á Corporación municipal que, segundo o disposto polo artigo 36.2 do Regulamento de Organización, Funcionamento e Réxime Xurídico das Entidades Locais, está a súa disposición o Libro Inventario de Bens do Concello, así como o arqueo e demais documentación á que se refire o sinalado artigo, que custodia el mesmo na presente sesión.-----

5º) PRESENTACIÓN DE CANDIDATURAS.

O Secretario Xeral manifesta que de acordo co artigo 196 da Lei do Réxime Electoral Xeral "Na mesma sesión de constitución da corporación procédese á elección de alcalde, de acordo co seguinte procedemento:

- a) Poden ser candidatos tódolos concelleiros/as que encabezen as súas correspondentes listas.
- b) Se algún deles obtén maioría absoluta dos votos dos concelleiros/as é proclamado electo.
- c) Se ningún deles obtén dita maioría, é proclamado alcalde o concelleiro/a que encabece a lista que haxa obtido maior número de votos populares no correspondente municipio. En caso de empate, resolverase por sorteo".

Segundo o disposto no apartado a) do citado artigo 196, o Presidente da Mesa de Idade convida aos cabezas de lista dos partidos con representación municipal para que manifesten si se presentan á elección de Alcalde.

Consultados os cabezas de lista mostraron a súa intención de presentarse á elección de Alcalde, **D.Telmo Martín González e D. Gonzalo Gonzalo Pita.**

Á vista do manifestado polos cabezas de lista, a Mesa de Idade proclama como candidatos á Alcalde a **D. Telmo Martín González e D. Gonzalo Gonzalo Pita.**-----

6º) ELECCIÓN DE ALCALDE.

A continuación procedeuse a elección de Alcalde mediante o sistema de votación ordinaria, dándose o seguinte resultado:

VOTACIÓN:

- Votos a favor do candidato **D.Telmo Martín González**.....8 votos.
- Votos a favor do candidato **D. Gonzalo Gonzalo Pita**.....9 votos.

A Presidencia da Mesa de Idade, ao obter o candidato a maioría absoluta legal dos votos dos concelleiros/as, de conformidade co establecido no apartado b) do artigo 196 da Lei do Réxime Electoral Xeral, proclama Alcalde electo do Concello de Sanxenxo a D. Gonzalo Gonzalo Pita.-----

7º) TOMA DE POSESIÓN DA ALCALDÍA.

A continuación **D. Gonzalo Gonzalo Pita** procedeu a tomar posesión do cargo de Alcalde do Concello de Sanxenxo utilizando a fórmula disposta no Real Decreto 707/1979.

Seguidamente o Presidente da Mesa de Idade entregou a **D. Gonzalo Gonzalo Pita** o bastón de mando da Alcaldía, pasando este a ocupar a Presidencia da sesión.

A continuación toma a palabra o Sr. Alcalde do Concello de Sanxenxo, **D. Gonzalo Gonzalo Pita**, dirixindo unhas breves palabras aos presentes.-----

E non sendo outro o obxecto da sesión, a Presidencia da por rematada a mesma sendo as doce horas e trinta minutos, de todo o que, como secretario, **DOU FE:**